



寒松堂全集目錄 卷之六

詩 自巳亥至壬子

巳亥秋八月再入里門見母用前韵

戚台衡同年分憲雲西枉扎見問因寄

老母七十一誕日紀事是年歸養


喜徐雲門至蔚次小關嶺望蔚韵

雲門將歸白登賦詩別余次韵慰留

寄訊沈茶菴司理罷官用前韵

寄懷左翼宸先生用前韵

陪州大夫李侯宣講 六諭余作集解付講



東子穀日州大夫李侯祀壇因陪勸農二首  
贈張遂襟儒醫

寄懷江桂菴先生再疊元韵

贈奚紹周儒醫

時雨會

有引

次韵寄毛錦來司理代覓曹辛兩先生遺書

家祠成歌詩六章

秋日吳椿坪守憲見過留飲

秋日送李侯遷興化太守六首

寄懷同年翟象陸方伯

九日喜胡東甌同年至蔚拜老母

寄謝馮秋水為余訂積順堂詩集用前韵

寄舊日同謫諸公和龔芝麓先生前韵

寄同年魏石生總憲

除日雪是日隨州大夫習儀候 朝賀

哭桑笈雲先生

元日毛錦來寄辛復元先生遺書語錄十三種

展讀有賦四首

家譜成寄謝徐雲門次韵

送李毅可兵憲移任去雲中

喜李晉陽至蔚即贈

追吊曹完我先生墓上二首

春雨值州大夫祀壇

病中訊稼堂病次書巢韵二首

徐雲門至蔚有詩懷胡東甌次韵兼寄

步韵題九龍亭

仲夏鄭侯招遊煖泉水亭長歌志謝

秋日得凌十齋手序並詩志喜次韵寄答

秋日劉生振昌自煖泉寄詩惠香葦用韵答謝

老母七十三誕日紀事

辛丑

冬日聞鄭侯同牛叅戎行獵煖泉次倫宣明韵

十月廿四日得解法周成粵東消息二首

輓孫興公先生

有夢

十一月十一日

和韵答成我存

山水歌為林太翁暨太母雙壽

閩人僑寓金城

歲暮雲門見懷次韵答之

送劉毅公司教浮山

送林二史歸應州時携家集過訪

次雲門思歸韵因送之

白懋韓中丞撫晉六年未通一刺茲奉 命督

秦於其去也西望而歌之

恭輓 世祖章皇帝升遐四首集杜

辛丑春懷八首集杜

正月七日恭遇 世廟忌集杜 壬寅

正月七日恭遇 世廟忌集杜 癸卯

正月七日恭遇 世廟忌集杜 甲辰

壬寅元日隨州大夫朝 賀是年改元入覲時

聞傳徵練餉之 諭恭紀二首

送聶天一同年補秦闔叅軍

靈丘宋紫庭明府遷粵東牧投詩見別因和元  
韵四首送之

元宵後七日鄭侯招同牛叅戎飲文昌閣雪中  
看火樹

自責二首

郝贊皇折贈緋桃余折李花贈答二首

次韵贈高二亮過蔚將遊河汾

午日牛叅戎招同鄭侯泛舟河中二首

端陽次日鄭侯招同牛叅戎夜泛是日有平滇

詔至二首

哭林華東州尉四首

名養心順天大興人

王羣玉明府投詩見訪次韵留飲

秋旱喜雨歌

老母七十四誕日紀事四首

壬寅

成我存告歸寄所著悦心錄為別讀而贈之

滇事平海逆復率歸順各賦一章志喜

夢魏昭華先生

有引

次韵酬連克昌進士兼訊楊猶龍在蜀消息

馳封至蔚恭紀

次韵送馮訥生內擢國學

祝老友徐雲門七十初度用前韵

有引

孔君方別駕惠

闕里誌檜圖志謝

有引

寄懷李吉津先生

苗大生督府枉顧賦謝

老母七十五誕日紀事四首

癸卯

刁蒙吉先生索詩壽熊母兼寄熊恕叟祁州

夢雲門訥生

哭胡館師菊潭先生用見贈元韵

輓趙洞門先生用贈余歸養元韵

輓同年楊猶龍方伯用贈余歸省元韵

輓李退庵少司寇用贈余歸養元韵

輓同年楊賢甫少司馬用贈余歸養元韵

輓曹厚菴學士四首

輓同年晉長眉銀臺

春日送太守蔡公介磁陞任去雲中

壽胡年母七十兼寄東甌

喜劉輿甫貢士過蔚寄孫退谷先生書至

次韵贈苗凌漢先生自河曲見訪

輓韓聖秋兵曹

甲辰秋李恒嶽妻兄見招水心亭晤胡東甌同

年留詠得遲字

老母七十六誕日紀事二首

甲辰

寄同年魏貞庵先生

宋烈女未嫁殉夫作此紀之二首

送王允升廣文歸陽城

老母七十七誕日紀事

乙巳

張慧一貳尹以運餉歿江寧櫬歸陽武內君表

氏哭絕食夜縊官署死之各賦二詩紀事

蔚州鄭侯惠朝衣一襲志謝

有引

元宵侍母看鄭侯見貽花火二首

懷仁縣于生懷漢出家穀千石賑濟饑民曹秋岳兵憲賦詩美之屬余同作

美直隸督學使者蕭公二首

名惟豫山東德州人

送徐子遜學憲試竣

再讀蔡汝濱先生集敬賦

夏五月芥園侍母看花二首

七月二十三日夢張伯珩同年卒于官

八月十七日伯珩中丞訃至蔚州對使哭之並

輓王允升廣文

老母七十八誕日紀事

丙午

丙午孫退谷先生七十六初度寄祝四章

李天葩內姪因讀禮謁余共談家禮

並蒂菓獻母歌詩紀異

送蔚州鄭侯內擢刑曹兼詢舊時諸老五首

保定劉敷季至蔚以講學文二章來見即贈

富平李天生至蔚以長歌來見即贈

寄懷趙錦帆同年遊雁門

張爾成自中州郵寄詩集即用集中韻奉答

再哭張伯珩憶已亥同田沛蒼太史餞余北郊

應州傅侯攝蔚篆事竣走筆補看花之約十首



送曹秋岳憲使陞任去雲中

中秋前三日程西雖學博招集明倫堂論文令  
子仲寧暨長孫同小兒侍坐

祝李恒嶽妻兄六十初度

老母七十九誕日紀事 丁未

題小品圖爲老母病牀展玩

坊成老母有訓

戊申元日隨州大夫朝 賀恭紀 新政頌而

祝之

讀沁州郭靖寰先生傳敬賦二十韵告三立祠

老母八十誕日紀事 戊申

贈苗凌漢老儒

贈潘藏山隱者

贈李晉陽貢士

贈徐次履文學

戊申八月十五日秋分是夜雨時聞災異求言  
之 諭有感

和李吉津先生見寄元韵

孫鍾元先生惠詩爲老母八十壽次韵答謝

戊申十月王蓼航同年惠將母歌爲老母八十

壽是歲太夫人同八十奉和近體二章一補  
進觴一奉懷柿菴

次徐雲門憶蔚韵四首奉懷

哭刁蒙古先生二首

冬杪答成我存燈下見懷詩次韵

李桂萼内姪惠水僊花爲老母供賞二首

同徐雲門李蓬萊過柳林

同徐雲門渡桑乾二首

過小關嶺同雲門衝風而行次南曠見贈韵

巳酉四月十五日

巳酉孟夏雲門枉過庸齋值七十六初度率筆  
爲壽

雲門旣歸白登次見別韵却寄

輓馮秋水方伯兼慰訥生

輓馮恒山侍御時聞秋水方伯訃

弔喬母即慰喬生

輓應州左翼宸前輩用巳亥贈答韵

輓李繪先學士二首

輓袁九敘同年巡撫山左卒于官

輓曹孝子廣攄

哭孟淑明先生用祝先母八旬元韵

解法周同年自瓊州歸至蔚仍歸朔州送之

解法周同年六十初度

蔚州煖泉瑞藻生二首

妻兄李恒嶽仁里八景各賦一詩

詠芥園芍藥三種

紅紫白三首

送女于歸西洪因與雲門期會李晉陽齋中

余將入都次雲門元韵預祝八十兼別

蔚州佟侯贈朝衣一襲為贐賦謝

壬子秋日病餘奉 召入都別鄉中親友

卷六

寒松堂全集 卷之六

蔚州魏象樞環溪著

詩 自巳亥至壬子

巳亥秋八月再入里門見母用前韵

兩年何事髮如秋 祿米難將更可羞 手內縫衣今尚

在池邊 餽鮓幾曾收 艱難國事經營少 清白家門歲

月悠拜母先稱 天子孝朝朝 問寢出龍樓

戚台衡同年分憲雲西枉札見問因寄

都下分襟歲已移 蔚蘿煙樹報君知 喜當塞國秋高

日回憶僧房夜話時 逕外黃花今得主 堂前白髮幸

看兒五雲西望星文動願借餘光照短籬

老母七十一誕日紀事是年歸養

上疏辭 丹闕承 恩祝壽眷 玉音千里頌鳩杖

滿朝知漫藉參苓護行看鬢髮移 九重何日報耕

鑿際良時

喜徐雲門至蔚次小關嶺望蔚韵

岔嶺迴環數十峰重來把酒賦江東懷人漫待三春

柳問道真慙一月風徑訪茅廬忘下榻獨乘羸馬抱

詩筒年年京國愁雙鬢此日升堂獨老翁

雲門將歸白登賦詩別余次韵慰留

交情十載半圖書每見伊人慰索居今夜鬼神歸授

受滿懷天地識盈虛星光燦爛分東井酒氣溫和溢

八閭願得山翁留數日黃金白壁欲何如

寄訊沈茶庵司理罷官用前韻

南去瀟然合遂初北來依舊是狂踈獨令詩友添新

恨可得園丁送野蔬雲塞浪傳三個字鴈門曾著幾

行書山中歲月黃虞上問罷高堂學釣魚

寄懷左翼宸先生用前韻

古貌古心接太初先生久與世情疎霜寒北嶽人無

夢雪滿金城飯有蔬絕代行藏三徑菊百年貧病一

床書吾鄉咫尺高山在欲見無由托鯉魚

陪州大夫李侯宣講 六諭余作集解付講

萬個形骸一點同皇皇鐘鼓啓顛蒙追陪祇盡適人  
職誥誠渾疑帝載通臣子事歸忠恕裏人禽關在聖  
狂中 興朝化育真無外共願家庭樂洩融

庚子穀日州大夫李侯祀壇因陪勸農

億萬烝民化育中遐方血食兩壇崇爰因八穀祈昌

穀更借仁風洗暴風

前有官焚  
樞壇中者

黍稷昭昭中祀禮煌雲

渺渺百神功叨陪不是修雩崇厚地高天鑒我躬

二

頻年水旱不成秋土瘠民貧舊蔚州元日共遵王者  
祀小康難解大夫憂窮鄉父老奔壇壝一輩書生佐  
薦羞祝罷幾回勞勸語春光滿地有耕牛

贈張邃襟儒醫

醫國人難見君名重里閭出言皆性命得力在詩書  
白髮知吾母青山問爾居韓康來賣藥倘肯過茅廬  
寄懷江桂庵先生再疊元韻

大地春光素髮同還從洛下仰高風百年懷抱渾難  
盡五嶽行藏不是窮梁月溪雲歸夢覺藥欄杯影助  
神工懸知訪道程門日萬派流來只向東

贈奚紹周儒醫

生來癯骨喜逢醫况是高堂有老慈術本天心知動  
靜人從我輩托安危山中採藥煙霞護肘後懸方神  
鬼知早晚依君商此道浮生萬事那堪爲

時雨會

有引

庚子仲夏募造 文廟內先賢先儒一百二  
十主告成瞻拜是日同李侯任學博林州幕  
李恒嶽劉因其兩上舍及廩長諸生公宴明  
倫堂講一貫忠恕之旨時大雨因名其宴  
步入宮牆拜聖人諸賢遺躅始鋪陳千秋靈爽几筵

接 昭代尊崇檜栢新卿士大夫關道統文章禮樂  
本天真登堂最喜成嘉話悉雨輕雷四座春

次韻寄毛錦來司理代覓曹辛兩先生遺書

人身多一物即多一物累吾願著書者由外以返內  
近讀文清錄反覆心如瘁愧怍惟自知一室見天地  
曹辛兩夫子遺言求未遂竿牘詎敢通咏歌托此意  
家祠成歌詩六章

木有本兮水有源思大德兮情難諉構此榱桷兮浩  
蕩恩

尊有酒兮豆有毛薦祖考兮几筵高守茲宗器兮念

劬勞

玉有種兮蘭有芽繩祖武兮報 皇家寧為麟鳳兮

莫為虺蛇

案有雪兮囊有螢讀萬卷兮守麟經好傳清白兮慰

先靈

左有井兮右有白躬操作兮代慈母修我禴祀兮糟

糠婦

下有戶兮上有坊物秩秩兮神洋洋人匪孝友兮降

之殃

唐臣必於帝都立廟汴宋時亦每於洛京為之至於西漢臣子多以孝壽為名不但至尊以為諡也自元以來坊反重於墓而墓反華於祠無怪世

俗影堂之處盡作金色化人矣 郝浴附識

秋日吳椿坪守憲見過留飲

塞上孤城背大河草堂車馬忽經過十年京國伊人

健一榻秋心此夜多襍被風流知魏野蟄龍詩句憶

東坡吳公蜀人不嫌野老將迎晚竟日淹留醉碧蘿

秋日送李侯遷興化太守六首

九宮山色接棠陰坐挹丹峰處處深身繫安危 天

子擢政留冰玉古人欽祇求瘠土歸元氣不令愚民

見苦心難慰蔚蘿諸父老暮雲春樹有佳音

二

寒松堂全集  
報政三年事事寬登車猶說是偏安圖書半篋憐清  
俸鷄犬千家憶好官心向士民勞欲盡酒因攀卧飲  
能乾定知閩海登臨日回念蘿山幾據鞍

三

萬里王程不敢留憐予落落有林丘綱常道合天應  
鑒痛哭書成野亦謀知己會逢周召伯聞名蚤達漢  
諸侯經文緯武真師帥漫借臨岐箸一籌

四

最是炎荒景物殊送公南去獨于于魚鹽戶口今增  
減唐宋文人代有無倭島自來多戰鬪熙朝此日

重訂謨壺公山上歸來雁海宴江清寄畫圖

五

閩學宗傳有六祠朱轡到處禮吾師攜將庸語充登  
豆買得遺書貴鼎彝海水江濤流自遠天光雲影趣  
如斯儒風比屋興安最浪說山川產荔枝

六

泚泚乾坤幾送行悠悠壺水復南征庚桑畏壘風猶  
在子產刑書謗易生壯志每輕天下事高才多忤世  
人情羨君三十知名蚤華髮仍看晚節成

寄懷同年翟象陸方伯



握手金臺歲欲深幾從秦楚問佳音鐸書一卷銷戎  
馬蘭譜千秋慰影衾籌海正須諸葛算憐才不數圍  
師箴唐許圜師爲刺史時每賜屬吏清白箴令自悔使君南去風流最爲托平生一  
片心

九日喜胡東甌同年至蔚拜老母

九日風來菊正香籬邊有客拜萱堂全因錫類輕千  
里漫是懷人共一牀志挽東流歸布粟名高北斗柰  
壺觴十年素約今方慰回首驚看雁幾行

寄謝馮秋水爲余訂積順堂詩集用前韻

菽水庭闈事已同更尋初服賴天功文章力返千秋

上道德先通百里中壺水月明藏尺鯉雁門雲度隱  
高鴻幾年前有登堂約何日騎驢訪二馮

寄舊日同謫諸公和龔芝麓先生前韻

高堂素髮晚垂垂遶膝還驚去國遲栗里陶潛無菊  
種京華杜甫有驢騎難逢白水論心日苦憶青藤見  
月時寄語諸公相慰藉乘田委吏莫支離

寄同年魏石生總憲

聖主千秋遇幾人能報之大臣行直道君子頌良時  
白簡天應鑒青編世不疑好持冰玉節耿耿寸心知  
除日雪是日隨州大夫習儀候朝賀

最喜三冬雪尤難歲暮中農家占驗蚤君子笑言通  
臘盡寒應洩春回落即融小臣歌 帝德遙拜紫宸  
宮

哭桑笈雲先生

尚有君知我君今已不存交情留縞帶道味出盤飧  
半世操修苦千秋骨性尊癯肥何處問彷彿一招覓  
元日毛錦來寄辛復元先生遺書語錄十三種

展讀有賦

汾河設教又河津羽翼尼山一派真千百年來誰繼  
續絳州夫子是天民

二

遺書論語說大學說中庸說孝經翼聖諭解養心錄心譜  
存親編存烈編經世石畫救急單方衡門芹神京偶紀也

遺書遠寄自平陽司李重封墨幾行獻罷椒花開卷  
處上元別是一春光

三

布粟從來意味長三更續火復燒香守先待後人難  
見彷彿當年坐講堂

四

薦先生者吉水李公日宣也

宗社安危話不虛廟堂束帛意何如可憐扶地撐天  
手空付江西薦士書

家譜成寄謝徐雲門次韻

故家遺範規模在痛念濠梁水木情五世幸觀人繼  
續百年方信筆縱橫汾陽墓耻崇韜拜左氏文慙杜  
預評最是歐蘇堪效法承先啓後賴知名

送李毅可兵憲移任去雲中

報政秦淮後雲疆又若何清名懸日月厚德挽江河  
漸起瘡痍色仍煩痛哭多他年持節鉞故老望恩波

喜李晉陽至蔚即贈

山雲獨卧嬾逢迎有客西來爽氣清花下翻書尋古  
篆亭前問字識元聲人疑北海高風在話到南村野  
燒明秋事倍憐徐孺子憑君詩句報陰晴

徐雲門病以詩代訊

追吊曹完我先生墓上

曠世英雄絕世才豐碑五尺半塵埋勲名若與汾陽  
埒多少崇韜拜墓來

又

遺金真不若遺經三尺墳頭草色青幸有兒孫延世  
澤可憐門下獨零星

春雨值州大夫祀壇

臘雪曾無幾今春雨乍來三時成播種萬彙托滋培  
塞土高能潤王風動欲開恰逢禋祀日感召不須猜  
病中訊稼堂病次書巢韻

負疴均一月藥餌復誰輕灑淚因多夢關心始問耕  
時光看鬢髮消息律陰晴詎敢違天意吾儒道自平

二

欲問襟顏好書來訊已真懸知詩是癖頓覺世如春  
百念忘時靜千秋樂處貧此身渾太極一日一回新

徐雲門至蔚有詩懷胡東甌次韻兼寄

山城有客騎驢過上谷先生知未知百里星文難聚  
處幾年風雨共吟時登龍故迹今人避傾蓋深心後  
日期司馬近來消渴未南州歸去更遲遲

步韻題九龍亭

亭在雁門關

大茂峰頭俯翠巒九龍亭上御風難東連滄海歸宸  
極西絡金城障可汗飛動欲搖新竹杖登臨曾掛舊  
儒冠余壬午秋試過此稍憇何當半幅空山影吹送詩人木榻寒時雲

門在蔚先有詩

仲夏鄭侯招遊煖泉水亭長歌志謝

城西溫泉如鑑徹郡侯下車清更絕五月招我一問  
之揮盃照影無炎熱檻外踈籬互叅伍澆蔬灌山不  
論主那得亭榭比江南只有菽麻成樂土乘興還訪  
溪邊邨老僧稽首啓寺門入寺雖云依佛座談鋒折  
理尊儒言十年不遊遊不倦同遊况復多名彥昨夜

雷雨滿青山今日青山都接面偶爾委蛇復委蛇問  
俗觀風繫所思君不見昔人跬步留千古莫負吾儕  
一日相追隨

秋日得凌十齋手序竝詩志喜次韻寄答

先生諱雲號十

齋原號澹臞粵東仁化人甲申歲僑寓蔚羅與余交及歸不通音問者十年託孫郡丞訪於韶州得先生詩十章繼得五章謂余寄詩四冊俱達因和韻付明經羅君報之

嶺外梅花信遠而秋空一雁寄相思十年風雨真如  
夢兩字寒溫不是私老剩鬚眉歸本色心空海嶽啓  
來茲家庭無恙為君報難報慇慇妙語咨

秋日劉生振昌自煖泉寄詩惠香葦用韻答謝

蒼圃黃華晚向榮西莊有帖到淵明乍驚池上流泉  
響如坐山中化日晴菜把芹莖知故老詩篇文字賴  
書生人依瘠土貧無策歲歲豐年歲歲耕

老母七十三誕日紀事

辛丑

今年膝下稱觴日 鳳曆初頒紀改元賴有豐年供  
賦稅全無惡夢到晨昏一家消受平安福舉念追思  
浩蕩恩為謝親朋多問慰朝來扶杖出閨門

冬日聞鄭侯同牛叅戎行獵煖泉次倫宣明韻

絕塞雲荒地接天水濱行獵響潺湲鳴弦到處君開  
網作賦成時我在田野樹高粱飛騎度斜陽古道上

人傳定知雞犬無驚夜安樂窩中記丑年

十月廿四日得解法周戍粵東消息

一戍天南果是真十年何處問歸人殘疆未了書生  
事薄命空餘太守身薜荔雲深仍我在枕柳月白與  
誰親固知兒女關心少愁斷飛鴻度海濱

二

攜得新詩半卷無此行不復有危途家貧宦拙天應  
鑒法密 恩深汝自愚梅嶺月橫何日度珠崖潮退  
一人孤而今欲寄平安信却恐書中涕淚俱

輓孫興公先生

先朝艾子推牛耳 昭代論文屬此公四海聲名章

句外百年人物典型中淵源落落天應續鬢髮鬢髮

學未終絕筆書成猶寄我舉前空報一詩筒

時惠程墨  
正音至余

以拙集報之  
未達而公卒

有夢 十一月十一日

有夢夢何來覺後夢難寫我思古大臣盡是小心者

姬公誓金滕吐哺興周社霍光輔幼冲不失尺寸也

日殫忠孝人牽馬過殿下君子慎所守道全而過寡

和韻答成我存

負米歸來八百日燕山北望隔重重那能素友詮吾

道幸有荒田副老農入夢祇尋無夢國登高不上最高峰何年携爾鵝湖内洗盡吾曹芥蒂胸

山水歌為林太翁暨太母雙壽

閩人僑寓金城

山之峙以實水之鑑以虛我觀物理固若此人為萬物之靈當何如莆田先生清白裔少負偉略薄曲藝三十年來讀道書何年通徹天人際天人之際知者希滿眼富貴雲飛飛莫向前古問消息近代儒家有布衣要識萬物為一體昔年救荒補周禮當其萬口待甦時呼吸人我真根柢賢哉舉案匹梁鴻濟人利物心相同一米一蔬敦儉朴自操井臼垂家風今歲

花甲週已過霜清月白不言餓左瞰大茂右桑乾木公金母同龕坐誰云馬氏有五常森森玉立好兒郎父子兄弟互酬和太和元氣滿高堂或為負米供菽水或為萬里北望舉霞觴爾時共羨融融而洩洩惟有使君對我情惶惶拜手前致詞曰某也不可以為子毛生捧檄良有以那知五斗累雙親嗟乎不可以為子魏子聽言忽默然轉思榮辱得失事由天父母有兒心不愜功名無分道終全俯仰天地之大吾何有智者樂兮仁者壽鄉國有善俱可為于門高大元不偶篋裏富千篇塞上得一友

左先生也

蚤晚驅車返故園

願採長歌記辛丑

歲暮雲門見懷次韻答之

山中無曆也知年讀罷新詩轉自憐  
芸蠹濫分藜火照墨鴉親付乳兒傳  
驚心紫塞春猶黯着眼蒼松老復芊  
幾向高堂思范式苔痕雪逕尚依然

送劉毅公司教浮山

雖爾爲師範猶然是妙年要知求大道  
不肯讓高賢王屋千峰接河汾萬派連  
文中芳蹟在拜訪問真傳送林二史歸應州時攜家集過訪

斯人纔一見相對忽情深父老知官况  
文章寓道心

愛親須貴我好古豈違今雪滿恒山路  
臨風寄好音

次雲門思歸韻因送之

重踐輿亭約君名已泰山逾看丰骨老  
不見鬢毛斑直筆通家望歸心靜者閒  
固知惜此別何日去仍還白懋韓中丞撫晉六年未通一刺茲奉督秦之命於其去也西望而歌之

惟古大臣不嚴而肅六載河汾享無事福

二

嗟此殘疆雲中爲最公來撫之鄭圖屢繪

三



旌我門閭題以山斗况曰人倫對此心忸

四

節鉞既西西望下拜豈無贈言 功令是戒

恭輓 世祖章皇帝升遐四首集杜

萬象皆春氣危樓望北辰鼎湖龍去遠象闕憲章新  
今日看天意中原仗老臣向來憂國淚懷舊益霑巾

二

萬歲蓬萊日艱危袞職陪一朝自罪已白首獨餘哀  
松栢瞻虛殿文章落上台不才甘朽質莫使棟梁摧

三

鳳曆軒轅紀王春度玉墀賦詩拾翠殿教練羽林兒  
自罷千秋節到今耆舊悲 君王自神武不愧史臣

辭

四

天屬遵堯典乾坤繞漢宮忽聞哀慟詔已作白頭翁  
勲業青冥上園陵白露中眼前今古意忍對百花叢

辛丑春懷八首集杜

北闕更 新主東方領縉紳 聖情常有眷雄略動  
如神黃閣長司諫蒼生倚大臣爲於耆舊內台袞更  
誰親

二

煌煌 太宗業 天子惟孝孫宮禁經綸密山河功  
業存向來論社稷新渥照乾坤王國稱多士心肝奉  
至尊

三

宗枝神堯後逝水自朝宗霖雨思賢佐山河誓始終  
中原戎馬盛萬里車書通不必伊周地蹉跎效小忠

四

神器資強幹雷霆可振威奸臣競菹醢耆舊把天衣  
哀痛絲綸切謳歌曆數歸指揮存顧託端拱自光輝

五

碧草違春意憑高涕泗流 聖朝新孝理 天子嚮  
時憂感激張天步從容仰廟謀蚩尤終戮辱高枕對  
江樓

六

扈聖登黃閣蕭曹拱御筵恐乖均賦斂無取愧高賢  
盤錯神明懼黎元疾苦駢長懷報 明主何以報皇  
天

七

分手開元末長懷禁掖垣避人焚諫草直氣橫乾坤

但使芝蘭秀寧無燕雀喧致君時已晚伏枕淚雙痕

八

通籍踰青瑣先朝忝從臣此生遭 聖代錫號戴慈

親素業今已矣乘時各有人仰思調玉燭一氣轉鴻

鈞

正月七日恭遇 世廟忌集杜 壬寅

元日到人日看雲哭九疑即今蓬鬢改空有鹿門期

北關心長戀人情老易悲去年梅柳意野老復何知

正月七日恭遇 世廟忌集杜 癸卯

層城臨媚景已度立春時朝野歡娛後風雲際會期

尉陀雖北拜貞觀是元龜處處逢正月哀歌欲和誰

正月七日恭遇 世廟忌集杜 甲辰

高樓思殺人回首一傷神只益丹心苦應宜綵服新

浮生看物變久坐惜芳辰縹緲蒼梧帝宮鶯罷轉春

於禮事君有方喪三年之文自壬寅迄甲辰人日  
皆有詩君臣之義於是至矣 王士禎識

壬寅元日隨州大夫朝 賀是年改元入覲時

聞停徵練餉之 諭恭紀二首

望 闕思 天表呼嵩際太元來同方述職輯瑞正

臨軒蚤已通民瘼何須叩 帝闈微臣依子舍先布

聖朝恩

二

布德當春令因風覓好音驚聞天上語始見日邊  
心萬國輸將正中朝軫恤深太平原有象不向物  
華尋

送聶天一同年補秦閩叅軍

唐風朴陋賦堯都又賦秦風寫壯圖馬首共瞻西嶽  
色幕僚誰卧白雲孤文章兩漢先京兆形勢千年幾  
大儒珍重遺編須購取佇看雙雁度飛狐

時託購呂涇野  
馮少墟二先生

錄語

靈丘宋紫庭明府遷粵東牧投詩見別因和元

韻四首送之

山城蕞爾藉名儒為政風流擅八區父老相傳今是  
母兒童漫唱昔無襦澹河月冷諸川會太白雲生萬  
嶺迂為愛頻年桑柘影願瞻餘蔭一攀趨

二

才華弈弈接西京彷彿絃歌政已成塞土荒亾曾入  
告前朝礦害倍關情訟庭閒寂看雲過書帶幽潛傍  
雪生萬戶柳煙潘岳蹟鷗鷗從此結新盟

三

塞垣風雅共君開幾度詩筒過嶺來小史漫追司馬

筆大文誰讓子雲才放衙山色驚窺案行部仙姿憶  
舉杯蚤晚輜車徵下國一編曾續劫餘灰

新纂  
邑誌

四

蹟遠滄洲又幾年征車此日去澹川人遊榆塞官皆

隱地到羅浮吏亦仙先輩文章空學海

余訪輯白沙剛峰  
甘泉復所四先生

遺故人風雨半歸田

訊凌十齋隱仁化許  
鷗澹歸瓊山消息

嶺南倘有梅花信

一度詩來報一篇

元宵後七日鄭侯招同牛叅戎飲文昌閣雪中

看火樹

樓臺天半俯煙蘿此夜登臨興若何燈火倍因藜火

燦銀花爭似雪花多座依北斗胸懷迥酒溢東風笑  
語和最荷陽春回蔚塞文星法曜兩婆娑

自責二首

半生屋漏有根基況是聞言警戒時風俗人心誰可  
救指天誓日欲何為

二

平日休誇器量寬一當誹語怒冲冠工夫涵養從今  
驗行路方知行路難

郝贊皇折贈緋桃余折李花贈答

李花纔放玉無塵日日亭前奉老親折得緋桃重寄

我案頭別見一枝春

二

投桃報李古人詩咫尺芳馨對面時不比江南梅信  
遠膽瓶紅白自相宜

次韻贈高二亮過蔚將遊河汾

間氣領燕趙中夜生夷憚草堂辱過從慷慨見胸膈  
載讀黃雒書一字有一益大巫神力王弼鄙深自責  
半生耽著述所學類癡癡下之遜關閩而上謝旦奩  
蠹魚空咿唔嗟哉老縫掖雙鬢久騷然欲語淚澁隘  
惟茲堂上人菽水慰朝夕眷懷雲龍交阿誰同莫逆

自君度關門拜君如拜石高卧豹林秋疑補謫仙籍  
溯我壺流清挹我屏山碧把臂輿亭旁爲言敦麗澤  
遶屋剪春蔬傾盤虛隴腊在德寧在酒相對心已獲  
竊聞俎豆家咨詢重安祐啓祠肅而入宗法藉細繹  
古來天下才不失寸與尺千仞徒崔嵬瑞鳳鍛羽翮  
清時詔屢下漢庭需儒碩石渠天祿間珥毫視簡冊  
瑚璉豈下陳京華望連璧詎知一再除似果不離核  
五斗賦歸來但守晏嬰宅念予事躬耕操器荷日炙  
愧乏仁人言貽贈訪姑射

午日牛叅戎招同鄭侯泛舟河中

寒松堂全集  
壺流如帶也沖澗午日仙舟罨畫中鷗鷺幾羣消戰  
壘鼓吹一部兆年豐新荷出水青猶薄弱柳沿堤綠  
正叢指點煙波吾欲老黑龍灣下釣魚翁

二

黃童白叟漫相攜爲看樓船到碧溪王濬談兵登畫  
舫蘇公爲政築長堤閒花接岸開如錦翠荇成茵望  
欲迷客興正多風浪息此中原未有鯨鯢

端陽次日鄭侯招同牛叅戎夜泛是日有平瀆

詔至

已荷相將汗漫遊重來卜夜問虛舟笙簫逼水清如

話魚鳥窺燈去復留雨脚半從新月轉霞光尚帶夕  
陽浮此行不是山陰棹遠寺鐘聲聽已悠

二

驚聞漢 詔下邊城恰在中流說太平父老忻傳輸  
輓罷干戈直向夢覓清帆收壩口觥仍舉雲亂波心  
水獨明幸際 興朝泉石穩使君從許訂詩盟

哭林華東州尉四首

名養心順天大興人

佐政三年外良知一念存甘教名譽失不願室家溫  
化俗尊天理逢予問聖言自來多醉尉誰似秣陵魂

二

久欲辭官去還因半職牽病顏非昔日愁鬢自今年  
有藥歸巫瓦無棺賴俸錢安危君已料空繫蔚人憐

三

遺櫬空庭裏孤燈閃幼兒悲來應有恨哭罷總無詞  
幾日歸丘壟何人誌口碑邊雲連夜黑造化必深知

四

留得清名在官卑益可欽操持吾輩事悃悞古人心  
豈獨賓京兆還堪配汝陰妻孥甘凍餓不願受冥金  
王羣玉明府投詩見訪次韻留飲

咫尺懷仙令逢君色笑開居然人似玉豈止政如雷

夢向吳江遠車從北嶽迴山家留客意不速肯重來

秋旱喜雨歌

三伏已過炎暑徂秋雨如玉復如珠五日不雨天  
呼十日不雨對苗吁吁嗟吁嗟吾苗乎苗而不實有  
矣夫待爾一半了新租待爾一半償舊逋待爾一半  
補妻襦待爾一半充兒舖高堂菽水僅盃盃忍令垂  
首食糝糲望雨望雨心如痛願從悔艾求中孚昨夜  
小雨飛淒淒今朝四野慶霑濡天心仁愛不可誣彼  
舞雩者愚復愚

老母七十四誕日紀事

壬寅



白髮蕭蕭暗裏窺今年多似去年時傷心已往休回首又到吾親兩鬢絲

二

美酒芳筵謝六親家常菽水漫傷神年來膝下雙孫遶今日相看少一人

三

深閨獨坐自心清兒女難將愛日情願得高堂無淚下不須儀物祝長生

四

敢云簫鼓動歡顏說到稱觴淚已潛野服山蔬率兒

子不教身掛舞衣斑

成我存告歸寄所著悅心錄爲別讀而贈之

報我歸山去潛心得妙編自違程子座誰着祖生鞭吾道真南矣爾官合澹然半生貧病足不是愛耕田  
滇事平海逆復率衆歸順各賦一章誌喜

露布新傳拜尉陀 先皇廟畧竟如何王臣萬里專  
征密甸服諸家効力多已報公孫能就絡蚤知餘孽  
必投戈遐方自古尊聲教誰道單祠馬伏波

二

頻年海上失遊魂宵旰殷憂屢 至尊輸輓東南諸

路合樓船日夜萬兵屯功成幄裏彰 天討欵納軍  
前示 國恩半壁風濤從此息佇看明詔問元元

夢魏昭華先生 有引

昭華以建言徙尚陽庚子歲 先帝下詔取還公已死矣  
壬寅十一月四日夢公蒙 先帝擢授教職隨賦詩嘲之

詔下金鷄信渺茫喜君今日返遼陽  
衡文江國真驄馬抗疏丹墀老侍郎  
一座青氊 仁主賜滿頭白髮  
故人傷百般辛苦都嘗遍只有書生酸未嘗

次韻酬連克昌進士兼訊楊猶龍在蜀消息

煙霞渺渺護萊衣笑倚空山且閣扉  
燕趙近傳名進士中原一變舊詩歸  
蕭王陌上秋風迥諸葛祠前客

夢違一卷孝經堪自慰瑯玕漫引雪霏微

貽封至蔚恭紀

承 恩幾載侍庭闈又捧丹書下 帝畿鳳口啣來  
紅日近 龍章開處紫雲飛 絲綸顯赫驚閭里  
翟 第輝煌映綵衣慚愧小臣難報答每瞻北斗更依依  
次韻送馮訥生內擢國學

大道昭千古尼山本儒躬馮子有素志浩然如雲中  
雲中競華縟寓書悲畫龍比聞博士召奮發資羣英  
六館不寂寞永夜藜光青伊川胡力辭所學在彝倫  
嗟予寡陋者四座疇爲春

祝老友徐雲門七十初度用前韻

有引

余生日例不敢受祝亦不敢徇俗爲人祝曩在都門乞壽詩者泛焉酬之而已竊思孔子之學十年一新所謂自強不息法天之健也世人生日年一遇不過歲月之常其可祝者道德文章因年而進耳若以絕未有之事粉飾鋪張不顧人之所安直笑罵矣祝云乎哉余與雲門交有年素相信各不沿俗今年雲門七十矣文氣日以弘詩律日以細所著郡邑乘及家乘之類卓乎於人倫風教有關回憶六十以至於今又是一境過此以往由博返約未可量也此雲門異乎昔年之生日更異乎他人七十之生日余可以祝雲門可以受矣

有豹居南山霧雨澤其躬我讀高士傳多處菰蘆中  
塞上有徐子詞華擅雕龍墳典性所好炳燭氣英英  
自昔養阿母遙謝綬花青古道照肝胆麋鹿時與倫  
酒熟一長嘯遐哉羲皇春



